

Gvangjsih Minzcuz Bau

Guenjbanh: Gvangsiah Bouxcuengh Swcigih Minzcuz Cunghgyau Swvu Veijyenzei Okbanj: Gvangsiah Minzcuz Bause Geiz neix 8 banj
广西民族报 Aenhauh okbanj: CN45-0036 B.2022 Nd.5 Ng.18 Liggaueq nyaemyzin nienz ndwenseiq cibbet Geizsoq: Gungh daih 3524 geiz

Swcigih Dangjveij Hai Aenhoih Naenghdamz Hagsib Gvancez Gij Cing-saenz Gangjvah Youqgaenj Siz Ginbingz Cungjsuhgi Youq Aenhoih Angq-hoh Cungguek Gungcanj Cuiyi Cinghnenzdonz Laebbaenz 100 Hopbi 自治区党委召开学习贯彻习近平总书记在庆祝中国共产主义青年团成立100周年大会上的重要讲话精神座谈会

5 nyied 12 hauh, Swcigih Dangj-veij youq Nanzningz hai Aenhoih Naenghdamz Hagsib Gvancez Gij Cingsaenz Gangjvah Youqgaenj Siz Ginbingz Cungjsuhgi Youq Aenhoih Angqhoh Cungguek Gungcanj Cuiyi Cinghnenzdonz Laebbaenz 100 Hopbi, haeujlaeg hagsib gij cingsaenz gangjvah youqgaenj Siz Ginbingz cungjsuhgi, caenh'itbough gikcoi gyoengq donzyenz bouxcuz daengx gih yaengx sang fangeiz riengz dangj byaij, fatok gij cozyung bingrenzak caeuq doihdoedgung, vih roen moq haengguh baenaj, seizdaih moq laebgoeng comz rengz hauxseng hungmbwk. Sweigih Dangjveij suhgi, Sweigih Yinzda Cangzveijvei cujyin Liuz Ningz youq gwnz aenhoih gangjvah, giengzdih au haeujlaeg roxyiuj gij yiyei gien-dingh "song aen dinghlaeb", giengiet guh daengz "song aen henhoh", engqgya gaenjdaet doxgiet youq seiqhenz Dangjuncunghyangh au Siz Ginbingz dungzci guh vaedsim haenx, geiqmaenh vahdaengq Siz Ginbingz cungjsuhgi, netsaed guh ndei hong gungcinghdonz caeuq bouxcuz daengx gih, caenh'itbough doxgiet daiqlingx gyoengq bouxcuz daengx gih haengguh baenaj, caenguh mbouj dingz, youq mwh caezhoz comz rengz hwnqguh aen Gvangsiah gyaundeisei cujyi miz daegsaek Cungguek seizdaih moq rap hwnj cwzyin seizdaih, ok rengz bouxcuz, au hengzdoengh saedsaeh ciepcoux Ngeihcib Daih Dangj hai ndaej baenz. Swcigih Dangjveij fusuhgi, Swcigih cujsiz Lanz Denhliz cujiz aenhoih.

Aenhoih naenghdamz doenggyaq densi denva hai, gak si, yen(si, gih) laeb faenhohciengz, boux daiyauj bouxcuz nyezrauh maenhndei, boux-guhhong bouxcuz nyezrauh gak cuz gak hangz daengx gih faenbied youq Nanzningz cawjhoihciengz caeuq gak si, yen(si, gih) faenhohciengz camgya aenhoih. Youq Nanzningz cawjhoihciengz, Nanzningz Siveij fucwz dungzci, Gungcinghdonz Gvangsiah Gihveij cujyau fucwz dungzci faenbied gangjvah, Swcigih Cungjuncunghvei fucwz dungzci daiyauj ginzdonz cujiz gangjvah, cukhoh daengx gih gak gaep gungcinghdonz cujiz caeuq gyoengq donzyenz bouxcuz. Liujcouh Si Yungzsui Myauzcuz Sweiyen Anh-cuiz yangh Gyanghmwnz Cunh Dangj-cungjcih suhgi, Cunhveijvei cujyin Yangz Ningz, Gvangsiah Liujgungh Gihgai Gujfwon Youjhan Gunghshw Cenngiuz Yenzfaz Cunghsinh Dangj-cungjcih fusuhgi, saedniemh gisuz cungjengh Vangz Sui, Gvangsiah Minzcuz Dayoz 2019 gaep hingzcwng gvanlij conhyez hagseng bonjgo Cwngh Yungjgen, guh boux daiyauj bouxcuz maenhndei daengx gih faenbied guh doxgyau gangjvah. Caezgya gangjvah cungj naeuz vih Siz Ginbingz cungjsuhgi gaem fueng-yiengq daiqlingx roxnyinh miznaj, vih miz gij swhsiengj sevei cujyi miz daegsaek Cungguek seizdaih moq Siz Ginbingz dazyinx roxnyinh gagsaeng, vih seng bungz biengz hoengh, guekgya akgiengz, miz seizgeiz engq lai laebgoeng laebnieb, ciuhvunz okyiengh roxnyinh miznaj, gangjok le gij gietsim giendingh buekguh baenaj, gaengaenj bouxlingxdaeuz fukhwng hungmbwk haengguh baenaj.

(Vei Hwngz)

Gij Siuq Myauzcuz Bang-rengz Lajmbanj Saenqhwngh

苗族刺绣助力乡村振兴

Geij bi neix daeuj, Yungzsui Myauzcuz Swciyen Baengh gij dinfwngz cienzdoeng ndangdaenj Myauzcuz dangdieg, gyalai rengz bangcoengh canjnieb guhsuq minzcuz, yinx aen gihgi yungh dennauj guhsuq daengj sezbei haeujdaej guh baenz aen cehengh bangfuz couhnieb guhsuq Myauzcuz, youq mwh swnj-cienz minzcuz vwnzva, gyalai diuzroen couhnieb vunzlai Myauzcuz, bangrengz lajmbanj saenqhwngh. Ndawdoz dwg 5 nyied 14 hauh, geij boux mehmbwk Myauzcuz cingq youq ndaw cehengh guhsuq.

(Lungz Dauh ingj)



《Gvangsiah Doengceiq·Minzcuz Ceiq》Cingqsik Oksaw Fathengz 《广西通志·民族志》正式出版发行

Mboengqneix, 《Gvangsiah Doengceiq·Minzcuz Ceiq(1990-2005)》youz Gvangsiah Yinzminz Cuzbanjse cingq-sik oksaw, neix dwg naeuz hangh gunghcwngz vwnzva neix ginggyaq 13 bi swnhleih guhsat.

《Gvangsiah Doengceiq·Minzcuz Ceiq(1990-2005)》youz Swcigih Minzcunghveij ciepcoih. Bien bouh saw neix dingjmaenh yungh gij swhsiengj sevei cujyi miz daegsaek Cungguek seizdaih moq Siz Ginbingz guh daz-yinx, gvancez doeksaed minzcuz cwngcwz dangj, dingjmaenh henhoh guekgya doengjit, minzcuz bingz-daengj, minzcuz doxgiet, gak minzcuz caezcaemh mwnhoengh baenaj, caensaed geiqlnh gij hwngfat cingzgvang gak hangh saehnieb minzcuz Cib'it Gaiq Samcung Cienzhohih Dangj dox-daeuj, cungfaen naeuz gij cingzcik hungmbwk gaijgwz haicuengq aeu-ndaej. Daengx bouh saw gungh 174.6 fanh cih, faen miz 9 bien, bien daih'it minzcuz cauhbaenz, bien daihngieih gizdieg minzcuz gagguenj, bien daihsam minzcuz gvanhaeh, bien daihseiq minzcuz ginghei, bien daihhaj minzcuz gyauyuz, bien daihroek minzcuz vwnzva, bien daihaet guenjieix hongsaeh minzcuz, bien daihbet minzcuz yenzgiu, bien daihgouj bouxvunz senhcin cizdij. Bouh saw neix yungh ceiq, lwnh, geiq, cienz, doz, biuj, loeg daengj dijcaiz, bienraiz cujyau dwg yungh ceiq. Ndawsaw daegbied souloeg le mbawdoz lai daengz 533 fuk, geiqloeg le gak hangh saehnieb minzcuz hwngfat baenaj caeuq ndwenngoenz bienq lai gak cuz beksingq.

Swcigih Minzcunghveij yawjnaek hong coihceiq dangqmaz, comz rengz hung, gvangqlangh guh soucomz swh-liu bouh saw neix, ca mbouj geijlai 100 boux lauxhangz yozcej, lingjdauj ganbu camgya, bouh saw neix daj bi 2009 hainduj guh, ginggyaq 13 bi cingqsik oksaw.

(Lij Sanhsanh)